


西南稀見叢書文獻

第四卷

中國西南文獻叢書



920030

K 7.3/85:4

1229/
164p:54

中國西南文獻叢書·第二輯

西南稀見叢書文獻

第四卷



本輯主編：戴文年

陳訓明

陳琳

本卷目錄

【民國】任可澄等
輯

黔南叢書

四

古今
齊民
要術

本卷目錄

儀禮私箋

〔清〕鄭珍撰

.....

一

【清】鄭珍撰

儀禮私箋

黑南齋書第一集第三種

陳氏心筆

民國壬戌據原刊本校印

儀禮私箋後序

古禮之學以康成爲宗而三禮之精微首在儀禮自賈氏公彥撰疏以來閱有唐及宋數百年奉爲圭臬罔或輕肆涉筆標異著書以自名家者蓋沈潛好古之儒唯謹守舊說確知鄭注精微莫可抵牾故李氏如圭撰集釋一以闡證司農罔敢出入其淺嘗乎是者見其辭繁旨奧求通注說之不暇自非於十七篇條理畢貫有末由置喙者故雖好議之徒陵蔑古義輒致力於他經率攻其易而此經以艱深隱複用獲免焉降及元代乃有

敖氏繼公號通禮制首發難端作此書集說與康成樹敵十五巧易言足飾非校之王肅掎擊尤夥是習一熾爰暨國朝攷据成風學者不通典禮不列名家往往銜名復古不嫌與鄭氏操戈自萬氏斯大迄乎乾嘉百餘年間各出危言人矜剋獲致令禮堂舊業宏綱細目無不形爲踳誤雖不無張稷若江慎修惠紅豆武虛谷諸子爲之功臣而幾莫敵紛紛衆口之強辭曲辯也鄭學之弊莫甚於今假令狂瀾莫挽恐千古禮宗不淹晦於飾僞亂眞之手殆幾希矣此先君子儀禮私箋之

所由作也先君子自壯歲即通家康成公之學於古今聚訟之地必研究康成立說之所以然窮源導窾見爲鑿不可易而後已焉嘗謂康成經訓范傳言當時學者頗譏其繁至今讀之猶苦太簡唯其簡奧故雖以孔賈專門尙不能盡通其義無惑乎近人以輕心從事初不得解即妄意有所抵牾遂牽私見必求案證異論紛紜恒由此作余之墨守康成往往一言一事或思之數日不識所謂者始亦訝其不合迨熟玩得之覺渙然氷釋切合經旨都無瑕釁然後知世之據以詆斥康成者皆

偏駁曲見惜未登高密之堂令我公以數語箴其膏肓也故先君子學禮數十年嗜鄭彌篤老益深醇五十以還始操筆發摠所以極思禮注兼以救世儒之失者爰著於編初志於儀禮全經皆有考論不幸中年半爲饑驅晚境疊遭喪亂一歲數遷幾無黔突故強半尙未脫稿所存遺說獨及四篇然於喪服經注闡證特詳合以他篇所發明者其有裨於康成非淺鮮也世有服膺鄭學之儒當不鄙予言之爲阿其所好云爾甲子秋先君即世知同悉心裒錄詳校都爲八卷丙寅夏杪客遊蜀

中唐太守鄂生爲繡梓成都凡五閱月而工竣敢敬述
先君子作書惜趣以諗世之讀是箋者焉男知同稽顙
謹書

鄭珍傳

清史館儒林傳稿

鄭珍字子尹貴州遵義人道光五年拔貢生十七年舉人二十四年大挑二等以教職用選荔波訓導咸豐五年叛苗犯荔波縣令蔣嘉穀病珍率兵拒戰卒完其城苗退告歸同治二年大學士祁雋藻薦於朝特旨以知縣分發江蘇補用卒不出三年卒年五十九

據子知
同行述珍

初受知於歙縣程恩澤語之曰爲學不先識字何以讀三代秦漢之書乃益進求諸聲音文字之原與古宮室冠服之制方是時海內之士崇尚攷據珍承其說實事

求是不立異不苟同洞知諸儒者之得失復從莫與儔

游益得與聞鉅儒宗旨

鄭子尹先生行狀

於經最深三禮墨守

司農不敢苟有出入儀禮十七篇皆有發明半未脫稿
所成儀禮私箋僅有士昏公食大夫喪服士喪四篇而
已周禮有考工輪輿箋鳧氏圖說禮記有深衣攷小學
有說文逸字說文新附攷汗簡箋正說隸他若說文大
旨轉注攷說文諧聲釋名證讀先秦古書讀皆未成又
有巢經巢經說詩鈔文鈔明鹿忠節公無欲齋詩注
而所撰遵義府志古今文獻蒐羅精密好古之士比之

述行

華陽國志

行狀

珍嘗謂遵義漢牂柯也自郡人尹珍道真

從許慎應奉受經書圖緯教授南域後無有以經術發
聞者於是以道真自命而取以爲名故學成而褒然爲
西南巨儒焉